



Broj: 01-11-2-2231/26-8
Konjic, 09.07.2026. godine

Na osnovu člana 64. stav 1. tačka b) i člana 70. stav (1), (3) i (6) Zakona o javnim nabavkama ("Službeni glasnik BiH" broj: 39/14, 59/22 i 50/24), Preporuke komisije broj: 10-11-2-2231/26-6 od 09.07.2026. godine, u postupku javne nabavke „*NABAVKA KOMPRESORA ZA PUNJENJE IZOLACIONIH APARATA, DIŠNIH UREĐAJA I BOCA ZA KISIČ*“, a u skladu sa članom 38. Statuta Grada Konjica ("Službeni glasnik Grada Konjica" broj: 10/22) gradonačelnik *d o n o s i*

ODLUKU o izboru najpovoljnijeg ponuđača

Član 1.

Prihvata se Preporuka Komisije za nabavku, broj: 10-11-2-2231/26-6 od 09.07.2026. godine i ugovor za javnu nabavku roba „*NABAVKA KOMPRESORA ZA PUNJENJE IZOLACIONIH APARATA, DIŠNIH UREĐAJA I BOCA ZA KISIČ*“ **dodjeljuje se ponuđaču** „TEVE VARNOST ELEKTRONIKA d.o.o Visoko, Industrijska zona Ozrakovići bb, 71300 Visoko, ponuda broj: 083-AB/2026 od 15.06.2026. godine, za ponuđenu cijenu u iznosu od 30.000,00 KM bez PDV-a, odnosno 35.100,00 KM sa PDV-om, kao najpovoljnijem ponuđaču.

Član 2.

Izabrani Ponuđač dostavio je ovjerene kopije dokumenata kojima dokazuje ispunjavanje uslova kvalifikovanosti u sklopu ponude, te se oslobađa naknadnog dostavljanja kvalifikacijske dokumentacije.

Član 3.

Za izvršenje ove Odluke zadužuje se Služba za zajedničke, stručne i inspeksijske poslove.

Član 4.

Ova odluka objaviće se na web – stranici ugovornog organa: www.konjic.ba, u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-11-2-2231/26-1 od 09.06.2026. godine.

Javna nabavka je provedena putem *konkurentskog zahtjeva*.

Procijenjena vrijednost javne nabavke bez PDV-a je 30.000,00 KM.

Gradonačelnik je Odlukom o imenovanju komisije broj: 01-11-2-2231/26-2 od 09.06.2026. godine, imenovao Komisiju za javnu nabavku i zamjenske članove za nabavku predmetnih roba.

Na osnovu obavještenja o nabavci broj: 637-7-1-50-3-73/26 objavljenog na Portalu javnih nabavki dana 09.06.2026. godine i tenderske dokumentacije, putem konkurentskog zahtjeva, izvršeno je prikupljanje, analiza i ocjena podnesenih ponuda.

Javno otvaranje ponuda izvršeno je 03.07.2026. godine, u sjedištu ugovornog organa (Maršala Tita br. 62, Konjic), što je i konstatovano Zapisnikom o otvaranju ponuda, br. 10-11-2-2231/26-4.

Komisija je blagovremeno i pravilno izvršila otvaranje i ocjenu pristiglih ponuda o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda: 1 (jedna);

Pristigle su ponude sljedećih ponuđača:

I. „TEVE VARNOST ELEKTRONIKA d.o.o Visoko, Industrijska zona Ozrakovići bb, 71300 Visoko;

- da su blagovremeno zaprimljene ponuda,
- da je broj neblagovremeno zaprimljenih ponuda: 0 (nula),
- da je ponuda ponuđača „TEVE VARNOST ELEKTRONIKA d.o.o Visoko, prihvatljiva, dostavljeni su svi traženi dokumenti u skladu sa zahtjevima iz tenderske dokumentacije,

Nakon izvršene analize i ocjene ponuda kvalifikovanih ponuđača koji su dostavili kompletnu ponudu, a prije zakazivanja e-aukcije, u skladu sa predmetnom TD, Komisija je rangirala prihvatljive ponude u skladu sa kriterijem definisanim u tački 22. TD – najniža cijena ponude:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (sa popustom i bez PDV-a)
1.	„TEVE VARNOST ELEKTRONIKA d.o.o Visoko	30.000,00 KM

Tačkom 36. tenderske dokumentacije predviđeno je provođenje e-aukcije. Međutim, u skladu sa Pravilnikom o uslovima i načinu korištenja e-aukcije (“Službeni glasnik BiH” broj: 80/23) u slučaju samo jedne validne ponude e-aukcija se ne može zakazati, nego se postupak okončava u skladu sa članom 69. Zakona o javnim nabavkama.

Na osnovu provedene procedure javne nabavke i ocjene kvalificiranih ponuđača, ponuđenih uslova, cijena, te priložene dokumentacije i primijenjenih kriterija koje je ugovorni organ odredio u tenderskoj dokumentaciji, Komisija je jednoglasno utvrdila da je najnižu cijenu tehnički zadovoljavajuće ponude ponudio ponuđač „TEVE VARNOST ELEKTRONIKA d.o.o Visoko, na osnovu čega je jednoglasno dala Preporuku rukovodiocu ugovornog organa broj: 10-11-2-2231/26-6 od 09.07.2026. godine, da se ugovor za javnu nabavku roba „*NABAVKA KOMPRESORA ZA PUNJENJE IZOLACIONIH APARATA, DIŠNIH UREĐAJA I BOCA ZA KISIK*” dodijeli ponuđaču „TEVE VARNOST ELEKTRONIKA d.o.o Visoko, koji je dostavio najbolje ocijenjenu prihvatljivu ponudu.

U postupku donošenja ove Odluke, posebno su cijenjene činjenice da je Komisija za nabavku, pravilno i potpuno, izvršila ocjenu kvalifikovanosti ponuđača, te pregled i ocjenu ponuda, u skladu sa kriterijima iz Tenderske dokumentacije.

Prilikom ocjene provedenog postupka, uvidom u dokumentaciju, rukovodilac ugovornog organa nije našao razloge nepravilnosti, niti propuste u radu koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila, i da je izbor ponuđača izvršen u skladu sa Zakonom o javnim nabavkama BiH, podzakonskim aktima, tenderskom dokumentacijom i ponudom izabranog ponuđača.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od deset (10) dana, od dana prijema ove odluke.

Žalba se izjavljuje Kancelariji za razmatranje žalbi putem ugovornog organa u pisanoj formi direktno ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču, kao i drugim strankama u postupku

Pripremio: *Semir Hajduk*

Kontrolisao: *Nedžad Ramić*



Dostaviti:

1. Gradonačelniku,
2. Ponuđaču,
3. Službi za civilnu zaštitu i vatrogastvo,
4. Službi za ekonomsko-finansijske i pravne poslove,
5. Službi za zajedničke, stručne i inspeksijske poslove (*WEB Grada*),
6. A/a.

